

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-79-15/22

Datum: 14.06.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda **d o n o s i**

O D L U K U
o poništenju postupka javne nabavke opreme za potrebe sanitarne dijagnostike
za Lot 1 Brojač kolonija (ručni)

I

Prihvata se preporuka Komisije za nabavke broj 07-79-14/22 od 13.06.2022. godine i poništava se postupak javne nabavke opreme za potrebe sanitarne dijagnostike za **Lot 1 Brojač kolonija (ručni)**, koji je proveden putem konkurentskog zahtjeva za dostavljanje ponuda, iz razloga što je za predmetnu nabavku nije dostavljena nijedna prihvatljiva ponuda.

II

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-7-1-121-3-8/22 od 26.05.2022. godine.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke opreme za potrebe sanitarne dijagnostike broj 07-79-2/22 od 26.05.2022. godine, za koji je objavljeno obavještenje na portalu javnih nabavki pod brojem 1247-7-1-121-3-8/22 dana 26.05.2022. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-242-1/22 od 16.02.2022. godine. Tenderska dokumentacija je objavljena na portalu javnih nabavki i istu je preuzelo 14 potencijalnih ponuđača.

Poziv za učešće u postupku javne nabavke je upućen sljedećim ponuđačima: KEFO D.O.O. ISTOČNO SARAJEVO, EUROLAB D.O.O. BIJE LJINA i TUZLA-FARM D.O.O. TUZLA.

Nabavka je podijeljena u dva (2) lota i to:

Lot 1: Brojač kolonija (ručni)

Lot 2: Aparat za destilaciju vode sa aparatom za predtretman vode

U roku za prijem ponuda za **Lot 1 Brojač kolonija (ručni)** zaprimjene su ponude dva ponuđača i to: Kefo d.o.o. Istočno Sarajevo i Mikro+polo d.o.o. Sarajevo. Komisija za nabavke (u daljem tekstu: Komisija) je konstatovala da su zaprimljene ponude blagovremene, ispravno zapečaćene i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđačima putem faks-a.

Komisija je zatim pristupila pregledu i ocjeni zaprimljenih ponuda i konstatovala da ponude imenovanih ponuđača ne ispunjavaju kvalifikacione uslove definisane tenderskom dokumentacijom iz sljedećih razloga:

Ponuda ponuđača KEFO D.O.O. ISTOČNO SARAJEVO se odbija iz sljedećih razloga:

- Prema tački 13. tenderske dokumentacije, ponuđači su bili obavezni dostaviti izjavu o mjestu, načinu i roku isporuke robe, a u skladu sa tačkama 10. i 11. tenderske dokumentacije. Međutim, imenovani ponuđač jeste dostavio traženu izjavu, ali ista nije dostavljena u skladu sa tačkom 11. tenderske dokumentacije (traženi rok je 15 dana, a u izjavi stoji 45 dana).

Ponuda ponuđača MIKRO+POLO D.O.O. SARAJEVO se odbija iz sljedećih razloga:

- Prema tački 12.2. pod a) tenderske dokumentacije, ponuđači su bili obavezni dostaviti katalošku dokumentaciju za ponudenu opremu, koja je trebala da sadrži sve tehničke podatke o ponudenoj opremi (data sheet) koja će služiti kao referenca za ocjenu ponude u skladu sa zahtjevima tenderske dokumentacije. Isto tako je bilo potrebno naznačiti (obojiti ili zaokružiti) ponudenu opremu, odnosno dijelove specifikacija koji se odnose na ponudeni model opreme čiju autentičnost ovjerava ponuđač. Naime, ponuđač MIKRO+POLO D.O.O. SARAJEVO jeste dostavio katalošku dokumentaciju za ponudenu opremu ali ponudena oprema ne odgovara tehničkoj specifikaciji opreme koja je navedena u Obrascu za cijenu ponude (brojač treba imati mogućnost rada sa posudama od 50-90mm, a ponudena je oprema za posudu od 55-150mm; iz dostavljene dokumentacije nisu jasno definisana povećanja za lupe, maksimalna težina aparata znatno prelazi istu koja je definisana tenderskom dokumentacijom).

Shodno navedenom, ponude oba ponuđača su odbijene.

Obzirom da nijedna zaprimljena ponuda nije prihvatljiva, Komisija je predložila da se postupak javne nabavke opreme za potrebe sanitarne dijagnostike za Lot 1 Brojač kolonija (ručni) poništi u skladu sa članom 69. stav (2) tačka d) Zakona o javnim nabavkama („Službeni glasnik BiH“ broj 39/14), te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od deset dana od dana prijema iste.

Dostaviti:

1. Ponuđačima
2. a/a

VD DIREKTORA
Sarihodžić dr Majda, spec. socijalne medicine
MA menadžmenta

